

سنہ : ۱

ماہ : ۱۳۳۲

صافی : ۲

دارالافتون

خفون فاہولتہ محمدیہ

حقوق ، سیاسیات ، اقتصادیات

ایک آبدہ برنر انور

شئون حقوقیه

مجاهد احکام عدلیه نك عصر ك احتیاجات مدنیه سیله متناسب بر صورتده نقصانك اكالی و موجودینك تعدیل و اصلاحی ایچون قسطنطونی مبعوثی وعدلیه ناظر اسبقی نجم الدین منلا بك افندیك تحت ریاستلرنده مملکتین واوروپا حقوق مدنیه لرینه واقف واسلملی آئیده محرر ذوات کرامدن بر قومیسون تشکیل ایدلش وبوقومیسون ۳۹ مایس ۱۳۳۲ بازار ایرتسی کونی ایلك دفعه اجتماع ایله عدلیه ناظروکیلی خلیل بك افندی حضرتلرینك احتیاجات حاضر دینی موضح نطقلرینی متعاقب مساعیسته باشلامشدر .

اعضای کرام

سعدالدین بك — شورای دولت تنظیمات دائره سی رئیس
شرف بك — تجارت و زراعت نظارت جلیله سی مستشاری
عالی بك — اعلامات شرعیه مدیری
عبدالرحمن منیب بك — بك اوغلی صلح حاکمی
یوسف ضیا بك — استیناف حقوق اعضاسندن
خره لامبوس افندی — امور حقوقیه مدیر معاونی (کاتب)

حقوق فاكولته سندن

ابوالعلا بك —	حقوق فاكولته سی مدرسلرندن	مستشار مشیخت علیا
سید بك —	»	»
سیدهاشم بك —	»	»
مصطفی فوزی افندی —	»	»
معمر راشد بك —	»	»
میشون افندی —	»	»
تهریخ نورد بك —	»	»

(ازبیر مبعوثی
بور دور مبعوثی
صاروخان مبعوثی
قره حصار مبعوثی
(کاتب)
(رأى استشاری ایله اعضا)

§

حقوق مدنیه مزك هنوز بر قانون شكلنده تدوین قلمه مش اولان مناحات و مفارقات و نفقات كی اقسامنه یعنی احوال شخصیه عائد قوانینك تنظیمی ایله اشتغال ایتك اوزره حقوق فاكولته سی رئیس المدرسینی اسپارطه مبعوثی محمود اسعد افندی حضرتلرینك ریاستی آلتنده ذوات آئیه دن مركب دیگر بر قومیسون تشکیل ایدلش وبوقومیسون اعضاسی ذكری كچن برنجی قومیسونك ایلك اجتماعنده حاضر بولونمشدر .

اعضای کرام

منصوری زاده سعید بك — حقوق فاکولته سی مدرسلرندن ازمیر مبعوثی
 حافظ شوکت افندی — فتواخانه عالی میز لرندن
 مصطفی افندی — اوقاف قاضی سی
 علی باش همیا بك — شورای دولت اعضاسندن

§

تجارت بریه قانونك احتیاجات اخیرہ تجاریہ مزی تطمین ایده جك صورتده تعدیل واصلاحی
 ایچون مقتضی لایحه قانونیه بی احضار وتنظیم اتمك اوزره استانبول مبعوثی ونافعه ناظر اسبقی
 حلاجیان افندی حضرتلرینك تحت ریاستنده عدلاً و عملاً اهل و ذی صلاحیت اولان ذوات آتیه دن
 مرکب اولق اوزره بر قومیسون تشکیل ایدلش وبوقومیسیون ۱۶/۶ مایس ۱۳۳۶ بازار ایرتسی
 کونی ایلک دفعه اجتماع ایله ناظر وکیل خلیل بك افندی حضرتلرینك بیاناتی متعاقب ایشه مباشرت
 ایله مشدر .

اعضای کرام

محمد جلال الدین بك — دارالفنون فخری مدرسی شورای دولت اعضاسندن
 قسطاکی وایانی افندی —
 استبان قره یان افندی — محكمه تمیز اعضاسی سابقه سندن
 علی کمال بك — حقوق فاکولته سی مدرسلرندن
 میثون افندی —

ممدوح بك — عدلیه نظارت جلیله سی هیئت تفتیشیه سندن (کاتب) .

بواچ قومیسونك اجتماعی تشکیلات عدلیه وقضایه مزده مسعود برانقلابك مبشری کبی تلقی
 وثمرات فعلیه به انتظاراً شمدیك بو حادئه تاریخیه بی بجملاً قید ایله اکتفا ایدیورز .

§

آلمانیا دولت فخیه سئك رایخشتاغ تجلیسی اعضاسندن دوقتور (اسپان)، قونت (وهستارب)
 بارون دو (غامب)، دوقتور (باسرمان)، مو-یو (ویمرد) ایله پروسیا لاندتاغ اعضاسندن
 پروفسور دوقتور (اوتو) دن مرکب بر هیئت محترمه، شهرنیزه کلهرک بر هفته اقامت ایتدی
 وبومدت ظرفنده متفق ودوست برملتك وکیللرینه لایق بر صمیمیتله اعزاز اولوندی . عودتلرنده
 بالقابلہ رسماً واقع اولان دعوت اوزرینه عثمانی مجلس مبعوثانندن رئیس وکیل (حسین جاهد)
 بك افندی ایله حدیده مبعوثی (حسن رضا پاشا) وازمیر مبعوثی فاکولته مدرسلرندن (سید)
 وبوردور مبعوثی فاکولته من مدرسلرندن (سید هاشم) واستانبول مبعوثی (صلاح ججوز)
 وسیواس مبعوثی دوقتور (عمر شوقی) وکنفری مبعوثی (مصطفی ندیم) بك افندی لرندن مرکب
 بر هیئت ۷ مایس ۳۳۲ تاریخنده برلینه متوجها حرکت ایتدی واوراده وکزدکری دیگر آلمان
 شهرلرنده بك بیوک بر حسن قبوله مظهر اولدی .

ایک دوست و متفق ملت وکیلرینک بو متقابل زیارتلری، بالطبع کرک محافل رسمیه و کرک مطبوعاتده پک حار و صمیمی تظاهراته وسیله تشکیل ایتدی . سیاسیات حاضره حدود اشتغالانمز خارجنده اولقله برابر دولتمزله آلمانیا آره سنده منعقد واستقباله ده عائد اولدینی بو آره ده اعلان ایدیلن معاهده اتفاقیه ، اک مهم شئون حقوقیه دن اولدیغندن وظیفه مرده قصور اتمش اولقیزین بونقطه یی مسکوت ویا مهمل براقه مایز . باخصوص بو معاهده نك طرفینی غیر مساوی اتفاقلرک علم حقوقده معین محاذیرندن مبرا اولدینی واک متمدن و مترقی برارورویا دولتی ایله تقابل حقوق ووظائف اساسی اوزرینه دیگر برطاقم مقاوله لرده عقدایدلیدی حقدنه رجال سیاسیه نك افاداتندن مستنتج تأمیناتی، قاپیتولاسیونلردن تخلصمرك قطعیتی واورویا جمعیت دولیه سنده کی وضعیت سابقه مرك صلاحی مبشر خیرلی برخبر صورتده تلقی ایده بیلیرز . کرک آلمانیا ایله منعقد وکرک آوستریا ایله عقد اولنه جق تجارت ، قونسلسلق ، اعاده مجرمین ، تمکن . . . کبی حقوق ، اقتصادی ، سیاسی هر نوع مقاولاتک تدقیقی فاکولته مز تدریساتنه داخل اولدیغندن صره سی کلدیکی زمان وئائق قسممزده بویولده متلری درج ایتک ایسترز .

§

صوک آیلرک اک مهم شئون حقوقیه سندن بریسی ده حکومت متحده آمریقانک آلمانیا دولت فخیمه سندن تحت البحر محاربه سنه ختام ویرمسی طلب ایله مه سنه قارشى جواب ردی متضمن اولق فوزره قوی دلائل حقوقیه یه استناداً برنوطه تنظیم و آمریقانک برلین سفیرینه تودیع ایدلسی در . « محاربات بحرینه ده بی طرفلرله محاربلرک حقوق ووظائف متقابله سی » بحث علمیسنه تعلق ایدن بو نوطه یی ایلروده وئائق قسممز درج وقسم حقوقیمزده ده حرب حاضر دن متولد مسائل دولیه یی تحلیل صره سنده بومستله یه تماس ایده جکر .

